

玉函山房輯佚書

春秋左氏傳解詁卷二

閔公左氏傳解詁

元年

因重固

重不可動因其不可動而堅固之

正義

以滅耿滅霍滅魏

三國皆姬姓魏在晉之蒲坂河東也

史記晉世家集解 太平

御覽卷一百六十三

引云魏在晉之蒲坂

分之都城而位以聊

春秋左氏傳解詁卷二

邑有先君之主曰都

史記晉世家集解

而位以邶先爲之極

言其祿位極盡於此

萬盈數也魏大名也

數從一至萬爲滿魏喻巍巍高大也

以是始賞天啓之矣

以魏賞畢萬是爲天開其福

並同上

初畢萬筮仕於晉

畢萬在周筮仕於晉

正義云劉炫謂服氏之說

二年

夫人姜氏孫於邾

文姜殺夫罪重故去姜氏哀姜殺子罪輕故不去

姜氏

正義引賈服之說

虢公敗犬戎于涇隊

隊謂汭也

水經注卷十九

初公傅奪卜齋田公不禁秋八月辛丑共仲使卜齋賊公於武闕

公卽位時年九歲

正義

季氏亡則魯不昌

謂季友出奔魯弑二君

鶴有乘軒者

車有藩曰軒

並同上

齊人使昭伯烝於宣姜

昭伯衛宣公之長庶也之兄宣姜宣公夫人惠公

之母也

詩鄘風精有法正義

許穆夫人賦載馳

載馳五章屬鄘風許夫人閔衛滅載公失國欲馳

驅而唁之故作此自痛國小力不能救在禮婦人
父母既沒不得寧兄弟於是許人不嘉故賦二章
以喻思之不遠也許人尤之遂賦三章以卒章非
許人不聽遂賦四章言我送往無我有尤也

馳正義

詩鄭風載

歸夫人魚軒

魚微名詩小雅采
蒞正義

重錦三十兩

重牢也正義

晉侯使太子申生伐東山臯落氏

臯落赤翟之都也世謂之倚亳

水經注卷四

太子奉冢祀社稷之粢盛以朝夕視君膳者也

廚膳飲食

史記晉世家集解

君行則守有守則從

有代太子守則從之

從口撫軍

助君撫循君事

無懼不得立

不得立已也

公衣之偏衣佩之金玦

偏袞之衣偏異色駁不純袞在中左右異金玦以

金爲玦也

並上

是服也狂夫阻之

阻止也方相之士蒙元衣朱裳主索室中殿設號
之爲狂夫止此服言君與天子以狂夫取止之服

衣之

正義

與其危身以速罪也

速召也疾也言太子不去自不危疾召罪狐突知其雖本不成而太子拘于一節不達至孝之義與臯落雖戰勝而歸猶不能免於難而使父有悖惑殺子之罪故傳曰備衆賢之言以迹太子所以死也經在僖公五年晉侯殺其世子申生

太平御覽卷一百四

聞成季之繇

繇抽也抽出吉凶也

易釋文

衛文公大布之衣大帛之冠

戴公卒在於此年

詩鄘風定之方中正義

僖公左氏傳解詁

元年

齊師宋師曹伯次於聶北救邢

襄二十三年叔孫豹救晉次於雍榆二事相反此

是君也進止相反彼是臣也先通君命

正義云賈服取以爲

說

九月公敗邾師於偃虛丘之戍將歸者也

虛丘魯邑魯有亂邾使兵戍虛邱魯與邾無怨因

兵將還要而敗之所以惡僖公也

正義

夏五月辛巳葬我小君哀姜

閔公死時年九歲

閔二年正義引僖二年注

二年

冀爲不道入自顛輪伐鄭三門

謂冀伐晉

正義

鄭晉別都

後漢書郡國志劉昭注

冀之既病則亦惟君故

謂虜助晉也將欲假道稱前恩以誘之

正義

夏晉里克苟息帥師會虜師伐虢滅夏陽

夏陽號邑也在太原東北三十里城南史記晉世家集解

鄆道元水經卷四引作夏陽三十里下有城南二字穀梁傳曰下陽虞號之

塞也

史記晉世家集解

四年

春齊侯以諸侯之師侵蔡蔡潰

民逃其上曰潰也史記齊世家集解

楚屈完來盟于師

公羊傳曰屈完者何楚大夫也何以不稱使尊屈

完也曷爲尊屈完以當桓公也正義云服虔取以爲說言來

春秋左氏傳解詁卷二

六經輯疏補校

二二三三三三三

者外楚也嫌楚無罪言來以外之正義

唯是風馬牛不相及也

風放也牝牡相誘謂之風正義

昔召康公命我先君大公曰

召公奭史記齊世家集解

五侯九伯女實征之

五侯公侯伯子男九伯九州之長太公爲王官之

伯掌司馬職以九伐之法征討邦國故得征之詩

風旄邱正義周禮春官大宗伯引賈服禮記王制正義引服云五等諸侯九州之伯

則我先君履東至于海西至于河南至于穆陵北至于無棣

太公受封境界所至

史記齊世家
司馬貞索隱

昭王南征而不復寡人是問

周昭王南巡狩涉漢未濟船解而溺昭王王室諱之不以赴諸侯不知其故故桓公以爲辭責問楚

人也

史記齊世家
集解

楚因方城以爲城漢水以爲池

方城山也在漢南漢水名皆楚之隘塞耳

詩商頌
殷武正

義 史記齊世家集解引云方城在漢南索隱引云在漢南三字據補

姬謂大子曰君夢齊姜必速祭之大子祭於曲沃

曲沃齊姜廟所在

史記晉世家集解

五年

公既視朔遂登觀臺以望而書禮也

人君入太廟視朔告朔天子曰靈臺諸侯曰觀臺

在廟堂之中

杜佑通典卷四十四

禮記玉藻正義引

天子二句又引賈逵服虔云靈臺在太廟明堂之中

孤裘兪茸一國三公吾誰適從

虜其以言亂貌三公言君與二公子將敵故不知

所從

史記晉世家集解

披斬其袂

袂袂也

同上

諺所謂輔車相依

輔上領車也與牙相依

詩衛風碩人正義

甚愛之也

正義云服虔其作甚

愛之甚當謂愛桓莊之族之甚也

正義

人不易物惟德繫物

下大正史集解卷二

八如媛節補校

繫發聲也言黍稷牲玉不易無德薦之則不見饗
有德則見饗言物爲有德用也

詩大雅洞酌正義

衾服振振取號之旅

衾同也

周禮春官司比筵疏引賈服杜君等段玉裁云今本疏衾字誤均

衾服黑

服也

文選十六潘安仁開居賦注引服虔

而修虞祀

虞取祭祀命祀也

史記晉世家集解

六年

使賈華

賈華右行大夫

同上

七年

子華由是得罪于鄭

鄭伯罪之也

太平御覽卷一百四十六

八年

晉里克帥師梁由靡御虢射爲右以敗狄於齧桑

史記

作齧

齧桑翟地

史記晉世家集解索隱同

凡夫人不薨於寢不殯於廟不赴於同不耐於姑則弗致也

寢謂小寢廟謂殯宮思神所在謂之廟

禮記檀弓下正義

喪大記正義引云寢謂小寢也

九年

以伯舅蠶老

七十日蠶

詩秦風車鄰正義禮記射義正義

齊侯以諸侯之師伐晉及高粱而還

高粱晉地

史記齊世家集解

公謂公孫枝

秦大夫公孫子乘

同上

十年

子弒二君與一大夫

矣齊卓子荀息也

史記晉世家集解

狐突適下國

晉所滅國以爲下邑一曰曲沃有宗廟故謂之國
在絳下故曰下國也

夷吾無禮余得請於帝矣

帝天帝請伐其罪

並同上

遂殺平鄭祁舉及七與大夫

上軍之與帥七人屬申生者襄二十三年下軍與師七人往前申生將上軍

陳樹華云上當作下

今七與七大

夫爲申生報怨欒盈將下軍故七與大夫與欒氏

正義

十有二年

冬齊侯使管夷吾平戎於王使隰朋平戎於晉

戎伐周晉伐戎救周故和也

史記周本紀集解

陪臣敢辭

陪重也諸侯之臣於天子故曰陪臣

同上

十有三年

謂百里

秦大夫

史記晉世家集解

十有四年

秋八月辛丑沙鹿崩

沙山名鹿山足林屬於山曰鹿

正義

號射曰

號射惠公舅

史記晉世家集解

十有五年

公曰不遜

據注孫當作遜

遜順

步揚御戎家僕徒爲右

二子晉大夫也

並同上

輅秦伯將止之

輅迎也

同上宋隱同

使以免服衰絰逆且告乃舍諸靈臺

正義云傳文於此或有上天降

災使我兩君相見不以玉帛而以典戎若晉君朝以八則婢子女以死久以八則朝以死唯君裁之左傳無此言後人妄增之耳又云服虔解詁其文甚煩傳本若有此文服虔必應多解何由四十餘

守不解一言亦主二十二年
始解婢子明是本無之也

管於是乎作爰山

爰易也賞眾以田易其疆畔

正我引服
皮孔冕

其禘曰士刲羊亦無盂也女承筐亦無貺也

離爲戈兵兌爲羊震變爲離是用兵刺羊之象也

三至五有坎象坎爲血血在羊上故刺無血也震

爲竹竹爲筐震變爲離離爲火火動而上其施不

下故筐無貺也

正義

四鄰責言不可償也

三至五爲坎坎爲月月生西方故爲西鄰坎爲水
兌爲澤澤聚水故坎責之澤澤饋水則竭故責言
不可償

歸妹之際猶無相也

兌爲金離爲火金火相遇而相害故無助也

震之離亦離之震爲雷爲火爲羸敗姬車脫其輶火

焚其旗不利行師敗於宗丘

據注說當
常爲脫

離爲日爲火秦嬴姓水位三至五有坎象水勝火

故爲羸敗姬五至三有坎坎爲水象震爲車車得

水而脫其輟也震爲龍龍爲諸侯旗離之震故火
焚其旗也震東方木兌西方金木遇金必敗韓有
先君之宗廟故曰宗上

歸妹喚孤寇張之弧

坎爲寇爲弓故曰寇張之弧

此一役也

一役者謂赴戰之役

並同上

箕子曰其後必大

箕子利之庶兄

正義引服杜

十有六年

君失問是陰陽之事非吉凶所生也

鷓退風咎君行所致非吉凶所從生襄公不問己行何失而致此變但問吉凶焉在以爲石墮鷓飛

吉凶何從而生故云君失問

正義

十有七年

男爲人臣女爲妾故名男曰園女曰妾

園人掌養馬臣之賤者不聘曰妾

史記晉世家集解

齊侯好內多內寵

內婦官也

史記齊世家集解

易牙入與寺人貂因內寵以殺羣吏

內寵如夫人者六人羣吏大夫也

同上

二十年

凡啓塞從時

闔扇所以開鍵閉所以塞月令仲春修闔扇孟冬

修鍵閉從時從此時也

正義

二十有一年

修城郭

國家凶荒則無道之國乘而加兵故修城郭爲守

備也正義

二十有二年

寡君之使婢子侍執巾櫛

曲禮云世婦以下白稱婢子婢子婦人之卑稱史記

晉世家

富辰言于王

富辰周大夫史記周本紀集解

二十有三年

春齊侯伐宋圍緡以討其不與盟于齊也

魯僖公十九年諸侯盟于齊以無忘桓公之德宋

襄公欲行霸道不與盟故伐之

史記齊世家集解

策名委質貳乃辟也

古者如事必先書其名於策委死之質於君然後

爲臣必死節於其君也

史記晉世家集解

司空季子

胥臣曰季也

史記晉世家集解

狄人伐虜咎如

赤狄之別種隗姓

將行謀於桑下蠶妾在其上以告姜氏姜氏殺之

懼孝公怒故殺之以滅口也

並同上

宋襄公贈之以馬二十乘

二十乘八十四

史記宋世家集解

公子懼降邢諒因

申意於楚子仲於知己降服於懷慶屈於不知己

正義

二十有四年

帝負鸚鵡從君巡天下

據注後當作鸚

一日犬緇曰繼古者行則有犬

正義正

單于郿

郿國在解縣東郿瑕氏之墟也

水經注卷六

晉侯逆夫人嬴氏以歸

繆公女

火記泰木紀集解

上下相蒙

蒙欺也

史記晉世家集解

鄭伯怨惠王之入而不與厲公爵也

惠王以后之盤饗與鄭厲公而獨與虢公玉鬲史記

周本紀
集解

召穆公思周德之不類

召穆公王卿士

詩小雅黍苗正義

穆公召康公十六世孫

詩大雅民

勞正義

鄭有平惠之勲又有宣厲之親

宣王封母弟友於宗周

詩鄭譜正義引服虔杜預

二十有五年

公會衛于葛陵盟于洮

明不失子道

禮記曲禮
下正義

遇黃帝戰于阪泉之兆

阪泉地名

史記五帝
本紀集解

三月甲辰次於陽樊

陽樊周地陽邑名也樊仲山之所居故曰陽樊也

史記晉世家集解後漢
書郡國志劉昭補注

二十有六年

公使展禽宿師

以使枯槁故饋之飲食勞苦謂之勞也

正義

室如縣磬

言室屋皆發撤椽椽在如縣磬上

夔子不祀祝融與鬻熊

夔楚熊渠之孫熊摯之後夔在巫山之陽种歸縣

史記楚世家集解 水經注卷三
十四引云在巫之陽种歸縣

二十有八年

天王狩于河陽

河陽溫也 水經注卷五
引賈逵服虔

還自南河濟

南河濟河之東南流河也

史記衛世家集解

晉臣佐下軍

晉臣曰季也

史記晉世家集解

衛侯出居于襄牛

衛地

非敢必有功也願以開執謀慝之口

子玉非敢求有大功但爲執爲賈諫慝之口謂子

子玉過三百乘不能入也

並同上

晉侯夢與楚子搏楚子伏己而盪其腦

如借語相罵云嗟女臆矣正義

作王宮于踐土

既敗楚師襄王自往踐土賜晉侯命晉侯聞而為

之作宮

史記晉世家集解

駟介百乘徒兵千

駟介駟馬被甲也徒兵步卒也同上

彤弓一彤矢百箠弓矢千

箠弓以射甲革檠質

詩小雅彤弓正義

矢千則弓十同上

癸亥王子虎盟諸侯于王庭

王庭戔士也

史記晉世家集解

楚子玉自爲瓊弁玉纓

謂馬飾

禮記王制正義

晉侯作三行

辨天子六軍故謂之三行也

史記晉世家集解

二十有九年

介葛盧聞牛鳴曰是生三犛皆用之矣

言八律之音聽禽獸之鳴則知其嗜欲死可知伯益明是術故堯舜使掌朕虞至周失其道官又在

四夷若周未失道官本不在四夷無解鳥獸之語
者何周公盛明制禮使夷狄絡繹與鳥獸之言
禮引賈服

三十年

鄭公子蘭出奔晉

鄭逐羣公子故奔晉

太平御覽卷一百四十六

請無與圍鄭許之

晉善蘭不忘本國故也

故使待命于東

待命于鄭東也

上同

王使周公闕來聘饗有昌歆白黑形鹽

昌歆昌本之菹

周禮天官
筮人疏

形鹽鹽虎

同上

東門襄仲將聘于周遂初聘于晉

先聘晉後聘周

正義引
賈服

三十有一年

猶三望

三望分野之星國中山川

正義引賈逵服虔

禮小司徒疏引服氏無

之字

三十有三年

秦師輕而無禮必敗

無禮謂過天子門不裝甲束兵而但免胄

正義

唯是脯資餼牽竭矣

腥曰餼

儀禮聘義疏 禮記聘義正義引云死曰餼

逆墨以莒文公晉於是始墨

非禮也

史記晉世家集解

文嬴請三帥

穆公女

史記集解

文夫人斂而葬之郕城之下

郕城故郕國之城

詩鄭風編
文正義

特祀于主烝嘗禘于廟

特祀于主謂在寢烝嘗禘于廟者三年喪畢遭烝

嘗則行祭皆于廟焉遭烝嘗乃于廟則自三年以

前未得遷于廟而禘祭

儀禮士
虞禮疏

三年禘祭乃遷此

廟

禮記禮弓正
義引服杜

文公左氏傳解詁

元年

且是人也。雖目而射聲，忍人也。

言忍爲不義。

史記卷七世家某解

潘崇曰：能事諸乎？

若立職子能事之。

能行大事乎？

謂弑君。

並同上。

二年

勇則害上不登於明堂。

明堂祖廟。

禮記玉藻正義引左氏舊說及

通典卷四十四

正義

皆以明堂
與廟爲一

丁丑作僖公主書不時也

凡君薨祔而作主三年終禘遭烝嘗則行祭禮別

春官鬱人
疏引賈服

故禹不先絲湯不先契文武不先不啻

周家祖后稷以配天明不可先也故言不先不啻

禹湯異代之王故言不先絲契也正義

三年

取王官及郊

春秋左氏傳解詁 卷二

王姬嫁館補校

皆晉地不能有紀集解
史記秦本

舉人之周也

周備也

同上

四年

圍邠新城

秦邑新所作城也
史記晉世家集解

五年

王使榮叔歸含贈

含贈當異人今一人兼兩使故書且以誅之
正義

服

不祀忽諸

諸辭

詩城風柏舟正義

六年

春晉蒐于夷谷二軍使狐射姑將中軍趙盾佐之陽處父至自溫改蒐于董易中軍

使狐射姑氏先且君趙盾代趙衰也箕鄭將上軍林父佐也先蔑將下軍先都佐也改蒐于董趙盾

將中軍狐射姑奔狄先克代佐中軍耳

正義

以子車氏之三子奄息仲行鍼虎爲殉

子車秦大夫氏也殺人以葬璣環其左右曰殉計

風黃鳥

正義

爲之律度

甝氏爲鐘各自計律倍而半之黃鐘之管長九寸

則黃鐘之鐘長二尺二寸半餘鐘亦各自計律倍

而半之度並衡其本亦俱出於律

正義

爲難故欲立長君

史記作晉人以難故

晉國數有患難也

史記晉世家集解

有此四德者難必紆矣

紆緩也

正義引服虔作紆說文同一本作紆

辰嬴嬖於二君

辰嬴懷嬴也二公懷公文公

史記晉世家集解

璚在九人

班次也

同上

七年

秦康公送公子雍于晉

康公秦穆公之子也

太平御覽卷一百四十六

春秋左氏傳解詁

卷二

西郊嚴傳補校

日文公之入也無衛故有呂卻之難乃多與之徒衛
衛從兵也呂甥卻芮欲莖公宮也

穆嬴日抱太子

襄公夫人

並同上

舍適嗣不立而外求君將焉寘此

寘置也

同上此太子史記晉世家集解

此子若才吾受子之賜

如子爲善教誨此子使之有賢才知人君之道也

則吾受子之賜賜

言惠太平御覽卷一百四十六

不才吾惟子之怨

才而受賜美其教也不才怨子惡其教不至也

今君雖終言猶在耳

君沒未久而言聲言氣尙在耳

宣子與諸大夫皆患穆嬴且畏備

言諸大夫患穆嬴之言以君顧命之言責己也畏

備迫無置公一云畏他公子相逼迫也

並同上

正德利用厚生

正德人德利用地德厚生天德

周禮春官
家人疏

八年

晉侯使解揚歸匡戚之田于衛

解揚晉大夫

史記晉世家

晉世

且復致公壻池之封自甲至于虎牢之竟

致之于鄭

義

十有一年

襄仲聘于宋且言可城蕩意諸而復之

反不書者施而不德

正義

鄭歸侵齊遂伐我

伐我不書諱之也

正義

冬十月甲午敗狄于鹹獲長狄喬如富父終甥拑其

喉以戈殺之埋其首于子駒之門以命宣伯

據注倫齊作喬

鹹魯地富父終甥魯大夫也摺猶衝宣伯叔孫得

臣子喬如也得臣獲喬如以名其子使後世旌識

其功

史記魯世家集解

初宋武公之世鄭瞞伐宋

武公周平王時在春秋前二十五年鄭瞞長翟國

名同上

司徒皇父帥師禦之彫珌御皇父充石公子穀明爲
右司寇牛父駟乘以敗狄于長丘獲長狄縶斯皇父
之二子死焉

不言所埋埋其身首同處於踐地可知正義殺縶斯

者未必三子之手士卒獲之耳同上

衛人獲其季弟簡如

獲與簡如同時史記魯世家

自安于夫鍾

自安處也夫鍾邑名太子御覽卷一百四十六

國人弗循

循順也

同上

十有二年

戰于河曲

河山晉地

史記秦本紀集解

郟人立君

立君改立君不問天子也

太平御覽卷一百四十一

太子以夫鍾與郟邾來奔

郟邾亦邑名也一日郟邾之家實圭太子及身而

自安於夫鍾國人以爲不順故邾伯卒而更立君
太子以其國寶與地夫鍾來奔也

同上

冬秦伯伐晉取羈馬

羈馬晉邑也

史記秦本紀集解

十有三年

太室屋壞

太室大廟之上屋也

北史牛宏傳一百六十

鄭樵通志卷

作大廟太室之上屋也正義引賈服詩晉頌讚正義引服杜禮記明堂立正義引服氏並云大廟

之室

不如隨會能賤而有恥柔而不犯

謂能處賤且又知恥言不可汗辱

正義

乃使魏壽餘偽以魏叛者以誘士會

按史記壽作壽

晉之魏臣大夫

史記泰本紀集解

繞朝贈之以策

繞朝以策書贈士會

正義云以有策而不用也

十有四年

齊人執子叔姬

子殺身執國之故言子爲在室辭十二年子叔姬

卒已被祀絕是並在室也

正義

十有五年

三月宋華耦來盟其官皆從之誓曰宋司馬華孫貴之也

華耦爲卿侈而不度以君命修好結盟舉其官屬從之空官廢職魯人不知其非反尊貴之

正義

史佚有言曰兄弟致美救乏賀善弔災

史佚周成王大火

禮記正義

一人門于句澤一人門于城上

魯國中小寇非異國侵伐故不稽也

正義

十有六年

楚子乘驤會師于臨品分爲二隊

隊部也

文選司馬長卿子虛賦注

公子鮑美而斃襄夫人欲過之

周襄王之姊王姬也

史記宋世家集解

而不可

鮑不肯也

同上

十有七年

齊侯伐我北部襄仲請盟六月盟于穀

再來伐魯西部書北部不書諱仍見伐

正義正

以嚴陳事

嚴勅也

正義引
賈服

鹿死不擇音

鹿得美草呦呦相呼至於困迫將死不暇復擇音

急之至也

正義

秋周甘躒敗戎于邠垂

邠垂在高都南

水經注
卷十五

十有八年

宣公長而屬諸襄仲襄仲欲立之叔仲不可

襄仲公子遂叔仲惠伯

史記魯世家集解

在九刑不忘

正刑一議刑八小司寇八議議親故賢能功貴勤

賓之辟

正義周禮秋官司刑疏引賈

昔高陽氏有才子八人蒼舒璜鼓檣戴大臨危降庭

堅仲容叔達

八人雷垂之屬也

正義

天下之民謂之渾敦

山海經驩人面馬喙渾敦亦爲獸名

正義

服讒蒐慝以誣成德

蒐爲隱慝謂陰隱爲惡也成德謂成就之德

正義

天下之民謂之橈杙

橈神異經云橈杙狀似虎毫長二尺人面虎足猪

牙尾長丈八尺能鬪不退

正義

縉雲氏有不才子

夏官爲縉雲氏

正義

謂之養養

食財爲養食食爲

養

杜預注正義云先爲
貞服等但博爲然

養養

名身如牛人面目在腋下食人

正義

以禦魑魅

嶠山神獸形或曰如虎而噬虎或口魅人而獸身

而四足好惑人山林異氣所生爲人害

周禮春官
凡以神止

者疏引賈服

史記五帝
本紀集解引人面已下

遂出武穆之族

出逐也

史記宋世家
集解

春秋左氏傳解詁

卷二

三正解疑館補校

三十三卷七十四

玉函山房輯佚書目

卷三十四

經編春秋類

春秋左傳解詁

三卷

後漢服虔

玉函山房輯佚書

一 媼娘館補校

三十四卷

春秋左氏傳解詁卷三

宣公左氏傳解詁

元年

三月遂以夫人婦姜至自齊

古者一禮不備貞女不從故詩云雖速我訟亦不
女從宣公既以喪娶夫人從亦非禮故不稱氏見

略賤之也

正義

楚子鄭人侵陳遂侵宋晉趙盾帥師救陳

趙盾既救陳而楚師侵宋趙盾欲救宋而楚師解

去正義

遇于北林

北林鄭南地也

水經注卷二十二

二年

見叔牂曰子之馬然也對曰非馬也其人也既合而
來奔

賈逵云叔牂宋守門大夫華元既見叔牂牂謂華
元曰子見獲於鄭者是由子之馬使然也華元對
曰非馬自奔也其人爲之也謂羊斟驅入郟也奔

走也言宋人贖我之事既和合而我卽來奔耳鄭
衆云叔牂卽羊斟也在先得歸華元見叔牂牂卽
誣之曰奔入鄭軍者子之馬然也非我也華元對
曰非馬也其人也言是女駝之耳叔牂旣與華元
合語而卽來奔矣又一說叔牂宋人見宋以馬贖
華元謂元以贖得歸謂元曰子之得來當以馬贖
故然華元曰非馬也其人也言己不由馬贖自以
人事來耳贖事旣合而我卽來奔

正義云服
虔載三說

于思于思

白頭貌

詩小雅頌
業正義

宰夫彌熊蹯不熟

蹯熊掌其肉難熟

史記晉世家集解

使鉏麇

鉏麇晉力士

史記晉世家集解

遠蹠以下

正義云服虔本扶作蹠
釋文云服虔注作蹠

蹠先典反徒蹠也

釋文趙盾徒蹠而下走

正義

公啖夫葵焉

釋文啖服本亦作啖
正義則服本亦作啖
但訓啖爲啜耳

啖啜也夫語辭葵犬名公乃啜夫葵使之啜盾也

義

宣三年矣

宦官學士也

史記晉世家集解

禮記

問其名居不告而退遂自亡也

不望報

史記晉世家集解

趙宣子古之良大夫也爲法受惡

聞義則服

同上

初驪姬之亂詛無畜羣公子自是晉無公族

驪姬與獻公及諸大夫詛無畜羣公子欲令其一

子專國正義

請以括爲公族大夫

公族大夫

史記晉世家其解

冬趙盾爲軫車之旅

軫車戎車之倅

詩魏風汾水正義

三年

春王正月郊牛之口傷改卜牛牛死乃不郊

郊祀裘毳送逆尸

禮記郊特牲正義

楚子伐陸渾之戎遂至于雒觀兵于周疆

楚莊王維

陸渾戎在洛西南觀兵陳兵示周也

史記宋世家解

王使王孫滿勞楚子

以郊勞禮迎之也

史記楚世家解

貢金九牧

使九州之牧貢金

同上

魍魎魍魎莫能逢之

據注螭作魍
罔兩作魍魎

魍山神獸狀魍魎怪物魍魎木石之怪

周禮春官
家宗人疏

文公報鄭子之妃曰陳媯

鄭子文公叔父子儀也報復也淫親屬之妻曰報

詩經風雄
雉正義

四年

子公之食指動

食指第二指

史記鄭世家集解

俗所謂噍鹽指也

正義

又射汰輻以貫笠轂

笠轂轂之蓋如笠所以蔽轂上以禦矢也一日車

轂上鐵也或曰兵車旁幔輪謂之笠轂

正義

九年

公孫歸父如齊

歸父襄仲之子

史記魯世家集解

十有一年

令尹蔣艾獵城沂

艾獵爲賈之子孫叔敖也

正義

十有二年

先穀佐之

食采於筧

正義

韓厥爲司馬

厥韓萬之孫

正義引服虔杜預

觀象而動

變問也

釋文

周易有之在師之臨

坎爲水坤爲象又互體震震爲雷雷鼓類又爲長子長子帥衆鳴鼓巡水而行行師之象也臨兌爲澤坤爲地居地而俯視於澤臨下之義故名爲臨

正義

果遇必致幾于尸之

主此禍也又易卦六五長子帥師弟子與師凶長

子帥師以中行也弟子與尸使不當也佐之於元帥弟子也而專以帥濟使不當也軍必破敗而與

尸

正義

錐路蓋縷

言其縷破蓋蓋然

正義

其君之戎分爲二廣廣有一卒卒偏之兩

左右廣各十五乘百人爲卒言廣有卒爲承也五

十人曰偏二十五人曰兩廣旣有一卒爲承承有

偏偏有兩故曰卒偏之兩

周禮夏官小司馬正義

代御執轡御下兩馬掉鞅而還

兩飾也掉正也

杜預注正義曰屨皮亦云

射麋麗龜

麗著也龜背之隆高當心

晉魏錡求公族未得

魏錡樂子

使輓車逆之

輓車屯守之車

並同上

楚人憇之脫局

扁橫木有橫木投於輪間一曰扁車前橫木正義

文作扁橫木枝輪間

一曰車前橫木也

楚役也鄭石制實入楚師

入楚師使楚師來入鄭正義

十有五年

宋人及楚人平

稱人眾辭善其與眾同欲正義

登諸樓車

樓車所以窺望敵軍兵法所謂雲梯也史記鄭世家集解

有死無隕

隕注真當作隕

隕墜也

同上

子反懼與之盟而告王退三十里宋及楚平華元爲質盟曰我無爾詐爾無我虞

與華元私盟許爲退師若孟任劉啓與魯莊公盟下云盟曰是兩國平後共盟而楚人爲此辭耳此非華元私盟之辭也

正義

棄仲章而奪黎氏地

黎侯之國

詩邶風式微正義

民反德爲亂亂則妖災生故文反正爲乏

言人反正者皆乏絕之道也人反德則妖災生妖
災生則國滅亡是乏絕之道也

正義

十有六年

夏成周宣榭火

宣榭宣揚威武之處

正義

十有八年

公孫歸父如晉

歸父襄仲之子

史記晉世家

正義

冬公薨季文子曰使我殺適立庶以失大援者仲也
夫援助也仲殺適立庶國政無常鄰國非之是失
大援助也

欲去三桓

三桓魯桓公之族仲孫叔孫季孫

並同上

成公左氏傳解詁

元年

三月作丘甲

司馬法云四邑爲丘有戎馬一匹牛三頭是曰匹

馬丘牛四丘為甸甸六十四井出長轂一乘馬四

匹牛十二頭甲士三人步卒七十二人戈楯具備

謂之乘馬

詩小雅信南山正義

二年

癸酉師陳於鞌

鞌齊地名也

史記齊世家集解

韓厥執繁馬前再拜稽首奉觴加璧以進

司馬法其有殞命以行禮如會所用儀也若殞命

則左結旗司馬授飲右持也壺右承飲以進

正義

且懼奔辟

辟扶赤反

釋文

而使齊之封內盡東其畝

欲令齊隴畝

盡東行

史記齊世家集解

五伯之霸也

五伯謂夏伯昆吾商伯大彭豕韋周伯齊桓晉文

也

詩譜序正義

若苟有以藉口

今河南俗語治生求利少有所得皆言可用藉手

矣正義

六年

季文子以鞏之功立武宮非禮也

鞏之戰麟武公以求勝故立其宮正義

必居郇瑕氏之地沃饒而近鹽

土平有澆曰沃鹽鹽也水經注

卷六

子之佐十一人

是時樂書將中軍荀首佐之荀庚將上軍士燮佐之郤錡將下軍趙同佐之韓厥將新中軍趙括佐

之鞏朔將新上軍韓穿佐之荀騷將下軍趙旃佐

之

正義

七年

使爲行人于吳

行人掌賓客之禮籍以待四方之使賓大客受小

國之幣辭

史記吳世家集解

八年

宋公使公孫壽來納幣

不稱主人母命不通故稱使婦人無外事

義禮土昏禮疏

晉侯夢大厲被髮及地搏膺而歸曰殺余孫不義

公明之鬼

正義

居盲之上膏之下

膏雖凝者爲脂釋者爲膏其實凝者亦曰膏故內

則云小切狼觸膏謂連心脂膏也

正義引賈服何休謂備等

十有一年

晉侯使卻鞮來聘己丑及卻鞮盟

卻鞮卻至從祖昆弟

正義

十有三年

夏五月公自京師遂會晉侯齊侯宋公衛侯鄭伯曹伯邾人滕人伐秦

宋公衛侯先君未葬而稱爵識其不稱子

禮記曲禮下正

義引賈服注

寡人不佞

佞才也不才者自謙之辭也

正義論語邢昺正義

十有五年

左師二司寇二宰遂出奔楚

魚石卿故書四人非卿故不書

正義

十有六年

今楚內樂其民而外絕其好齊盟而食話言奸時以動而疲民以逞

外絕其好刑不正邪也食話言義不建利也疲民

以逞信不守物也

正義

六月晉楚遇于鄢陵

鄢陵郟之東南地也

史記晉世家集解

皆曰國土在且厚不可當也

賁皇州犁皆言曰晉侯之士皆在君側且陳厚不

可當州翠言晉疆黃皇言楚疆故云皆日也正義

其卦遇復

復反也陰盛於上陽動於下以喻小人作亂於上
聖人興道於下萬物復萌制度復理故曰復也其
筮六爻無變者故言其所遇之卦而已

曰南國蹠射其元王中厥目

陽氣觸地射出為射之象

並同上

有蹠蹠之附注君子也

蹠蹠是附注屬也蹠而屬於附周禮春官司服疏引賈服

蔡夷傷

金劍爲夷

正義

于叔聲伯使叔孫豹請逆于晉師

叔孫豹先在齊矣此時從國佐在師聲伯令人就齊師使豹豹不忘宗國聞白國佐爲魯請逆

正義

宋齊衛皆失軍

失軍失其軍糧

同上

十有七年

壬申公孫嬰卒于狸脈

狸服闋

杜預注值六年正義引服虔

余恐死故不敢占也

聲伯惡瓊璫死之物故畏而不敢言

詩秦風謂揚正義

十有八年

辛未朝于武宮

杜預本及晉語並作辛巳正義曰服虔本作辛未

荀賓爲右司士屬焉

司士主右之官謂司右也

正義

襄公左氏傳解詁

元年

敗其徒兵於海上

泗水名

史記晉世家集解

二年

是棄功與言其誰呢我

釋文棄力服本作棄功
唯本又作昵女已反

三年

帥組甲三百

以組綴甲

餘堅初學記卷二十二
陳旂道補書卷一百十六

建一官而三物成

所舉三賢各能成其職事

正義

終無貳志事君不辟難有罪不逃刑

謂敢斬揚干之僕是不辟獲死之難

正義

晉侯以魏絳爲能以刑佐民矣反役與之禮食使佐

新軍

於是魏絳卒矣使趙武將新軍代魏絳升魏絳佐

新軍代趙武也

同上

四年

武不可重

重大也言武事不可大任

正義

戎狄薦居

薦草也言狄人逐水草而居徙無常處

正義

六年

夏宋華弱來奔司城子罕曰同罪異罰非刑也專戮於朝罪孰大焉亦逐子蕩子蕩射子罕之門曰幾日而不從我子罕善之如初

言子罕不阿同族亦逐樂轡以正國法忠之至也及樂轡射其門畏從華弱之罰復善樂轡如初是爲茹柔吐剛喪其志矣傳故舉之明春秋之義善

春秋左氏傳解詁

卷三

五姬嬖館補校

惡俱見正義

九年

使皇郎命校正出馬工正出車備甲兵庀武守

皇郎皇父充石之後十世宗卿爲人之子大司馬

椒也正義

陶唐氏之火正既伯居商丘祀大火而大紀時焉相
土圀之故主大火

商丘地名相土契之孫圀之者代既伯之後復居

商土湯以爲號

詩商頌諸正義 春秋正義引云
相土居商丘故湯以爲天不號

棄位而姣

姣音效

釋文引服氏曰稽叔夜

讀爲放效之效言效小人爲

淫

正義

次于陰口而還

登南曰陰口者川口也

水經注卷二十二

冠而生子

人君禮十二而冠也

宋書禮志引賈服

君冠必以禘享之禮行之以金石之樂飾之以先君之祗處之

曾祖之廟曰祧

禮記祭法正義又冠禮正義

春

公還及衛冠於成公之廟

成公衛之曾祖卽云祧謂曾祖之廟

正義

成公衛曾

祖故以祧爲曾祖廟時不冠於衛之始祖非以舌

廟故也

儀禮士冠禮疏

且要盟無質神弗臨也

質誠也無忠誠之信故神弗臨也

正義

十年

春會於粗會吳子壽夢也

壽夢發聲也吳蠻夷言多發聲故數語共成一言
壽夢一言也經言乘傳有壽夢欲使學者知之也

正義

士莊伯曰

杜預本作士莊子石經同惠氏棟曰服虔本作士莊伯見太平御覽

高子相

天子以會諸侯將社稷是衛而皆不敬弃社稷也其將不免乎

免脫也言將不脫罪禍不以壽終也傳舉此者爲
十九年齊殺其大夫高厚二十五年崔杼弑其光

起本也

太平御覽卷一百四十六

縣門發聊人紇扶之以出門者狄虎彌延大車之輪而蒙之以甲以爲櫓

扶掖也謂以木掖扶縣門使舉令下客人出也門

者下屬爲句

正義

親受矢石

古者以石爲箭鏑國語有隼集於陳侯之庭楛矢

貫之石矟

秋七月楚子囊鄭子耳伐我西鄙

不書諱從晉不能服鄭旋復爲楚鄭所伐恥而諱

之七

子孔當國爲載書以位序聽政辟

鄭舊世卿父死子代子孔欲擅政之使以次先爲

士大夫乃至卿也

並同上

十有一年

七姓十二國之祖

晉主盟不自數

正義

鄭人賂晉侯以師慳師觸師獨

三師鐘師罇師若師謂慳能鐘觸能罇若也

廣車軌車

軌車屯守之車也

並同上

淳十五乘

正義云褊見服木皆云淳十五乘則凡兵車百乘者更合言軌廣或軌廣之外別有

百乘杜本軌十五乘

八年之中九合諸侯如樂之和

八年從四年以來至十一年也九合諸侯者五年會于戚一也其年又會于城棧救陳二也七年會于鄆三也八年會于邢丘四也九年會于戲五也十年會于桓六也又成鄭虎牢七也十一年同盟

于亳城北八也又會于蕭魚九也

正義 史記晉世家集解引云

九合一謂會于成二會城棗救陳三會于鄆四會于邾五同盟于越六會于粗七成鄭虎牢八同盟于亳城北

九會于蕭魚

便蕃左右亦是率從

據注似服本依詩作乎乎

平平辯治不絕之貌

詩小雅采芣正義引服虔

十有三年

不猶愈乎

愈猶病愈

正義

十有四年

曹宣公之卒也諸侯與曹人不義曹君

宣公曹伯廬也以魯成公十三年會諸侯伐秦卒

于師曹君公子負芻也負芻在國聞宣公卒殺太

子而自立故曰不義之也

史記吳世家集解

將立子臧

子臧負芻兄

同上

不獲成焉

不得成戰陳之事

正義

衛獻公戒孫文子宿惠子食皆服而朝曰旣不召而

射鴻於圃二子從之不釋皮冠而與之言二子怒孫
文子如戚

孫文子林父也甯惠子甯殖也敕戒二子欲共宴
食皆服朝衣待命盱宴也二子從之從公於圃戚

孫文子邑也

史記衛世家集解

公出奔齊孫氏追之敗之從於河澤野人執之

執追公徒者公如野故野人爲公執之正義

射兩鞬而還

車鞬兩邊義馬頸者

正義

釋文

正義引云鞬車

詩秦風小戎鞬也兩鞬義

春秋左氏傳解詁卷三

于如亦作補校

馬頭

三十四卷二十一

王室之不懷聚伯舅是賴

釋文云壞服本作懷正義云服皮本壞作懷

懷柔也聚蒙也賴恃也王室之不懷柔諸侯蒙齊

桓之匡也

正義

詩云行歸於周齒民所望

逸詩也

詩小雅都人士正義云襄十四年左傳引此句服皮云逸詩也都人士首章有之禮

記注亦言毛氏有三家則亡今韓詩實無此首章時三家列于學官毛詩不得立故服以爲逸

十有五年

屈蕩爲逸尹

連尹射宮言窮相連屬也正義

富而後使復其所

富賈玉得富

周禮天官
大宰疏

十有六年

三月公會晉侯宋公衛侯鄭伯曹伯莒子邾子薛伯
杞伯小邾子於溴梁戊寅大夫盟

公羊以爲溴梁之盟君若贅旒然穀梁云不日諸
侯之大夫大夫無君也言惡大夫專而君失權也

正義引公羊穀梁
云賈服取以爲說

春秋左氏傳解題卷三

王好嬖館補校

十有七年

齊人獲臧堅齊侯使風沙衛唁之且曰無死

弔生曰唁以生見獲故唁之

詩鄘風載馳正義
釋文引首句

堅稽首曰拜命之辱抑君賜不終

言君義已故來唁之是惠賜也謂已無死不以義

望已是不終也

正義

不如蓋之乃舍之

蓋覆蓋之言左師無鷹鷂之志而蓋不義之人故

尤之

正義

左師爲亡短策苟過華氏之門必駢

策馬捶也自爲短策過華臣之門助御者擊馬而馳惡之甚也必爲短策者私助御者不欲使人知

也正義

臯門之皙

釋文澤門本或作臯門

臯澤也

文選司馬長卿上林賦注

齊晏桓子卒晏嬰斃斬直經帶杖菅屨食粥居倚廬
寢苦枕草其老曰非大夫之禮曰惟卿爲大夫

端衰喪車無等其老之問晏子之答皆爲非禮

禮記

雜記
正義

師曠曰不害吾驟歌北風又歌南風南風不競多死

聲

卯酉以北律呂爲北風以南爲南風

正義

北風夾鍾

無射以北南風姑洗南呂以南南律氣不至故死

聲多吹律而言歌與風者出聲曰歌以律是候氣

之管氣則風也故言歌風

別禮春官樂師疏又保章氏疏引云北風無

射夾鍾以北南風姑洗以南

正義引云南風律氣不至故聲多死

十有九年

三 葬田自澗水歸之于我

刺晉偏而魯貪

正義

顏懿姬無子其姪廢聲姬生光以爲太子

兒子曰姪懿姬所從也顏廢皆其母姓懿聲諡也

傅家從後言之故舉諡也

太平御覽卷一百四十六

諸子

諸子妾生子也

戎子仲子子嬖

二子宋女

仲子生牙

公子牙也

屬諸戎子

戎子子牙養母也

戎子請以爲太子許之

齊侯許之

仲子曰不可廢常不祥

立長爲祥立而廢之爲不祥也

並同上

問諸侯難

間犯謂光已列於諸侯難成同上 史記齊世家集解

光之立也列於諸侯矣

謂光數從諸侯征伐會盟

同上

今無故而廢之是專黜諸侯也

專獨也光比於諸侯列于盟不可黜也

太平御覽卷一百四

六十

而以難犯不祥君必悔之

以難成之事犯不善

公曰在我而已遂東太子光

東徙之東鄙也

崔杼微逆光

微隱匿也

疾病而立之

疾困也而立爲太子

並同上

婦人無刑

婦人從人者也故不爲制刑及犯惡從男子之刑

也

正義

號之乃下問守備焉以無備告揖之乃登

彭仲博云齊欲誅衛呼而下與之言因可取之無
爲揖之復令登城仲博以爲齊侯號衛衛慙而下
云問守備焉曰衛之守高唐者衛無恩信故令守
者以無備告齊侯善其言故揖之乃命士卒登城
此論近之正義

孔成子

衛卿孔烝鉏

史記衛世家集解

二十有一年

子盍詰盜

盡何不也

正義

二十有二年

城武仲如晉

武仲非卿故不書

而以爲口實

口實謂譴讓也

並同上

二十有三年

禮爲鄰國闕

鄰國尙爲之闕樂況弔身之國乎

義禮助

君子謂慶氏不義不可肆也

傳發此言爲不書慶氏以陳叛爲楚所圍稱國以

殺不成惡人肆其志也

正

唯魏氏及七與大夫與之

下軍與帥七人

樂魴傷

魴盈之子

啓半成御襄罷師狼獲疏爲右

司馬法謀師篇曰大前驅啓乘車大員倅車屬焉

大晨大殿也

張武軍于熒庭

張設旗鼓也

趙勝帥東陽之帥以追之

東陽爲魯邑

並同上

藥石也

石砭石也

前史王僧孺傳 冊
府元龜卷七百八十

夫石猶生我

夫胡孟孫也

正義

毋或如東門遂

東門遂襄仲也居東門故稱東門遂

史記齊世家集解

猶有先人之做慮在下

下從上讀言做慮在下

正義

作不順而施不恕也

不順謂阿季氏廢長立少也不恕謂惡季氏立庶

也

同上

二十有四年

大上有立德

伏羲神農當之如此之類乃是立德也正義

其次有立功

禹稷當之如此之類乃是立功也

其次有立言

史佚周任臧文仲當之如此之類乃是立言也

象有齒以焚其身

焚讀爲償償偪也爲生齒牙偪仆其身

部莫無松柏

喻小國無賢材知勇之人而與大國等也並同

二十有五年

夏皆曰吉

皆二卦

正義

乃爲崔子間公

何公間隙

史記齊世家集解

公拊楹而歌

公以爲姜氏不知亡在外故歌以命之也一日公
自知見欺恐不得出故歌以自悔

不能聽命

言不能親聽公命

近于公宮

崔杼之官近公宮淫者或許稱公並同上

陪臣干譏有淫者不知二命釋文云振服本作詠

譏子須反一日干扞也譏謀也釋文言受崔子命扞

禦謀淫之人正義

故君為社稷死則死之為社稷亡則亡之

謂以公義為社稷死亡也如是者臣亦隨之死亡

史記齊世家

若爲亡死而亡亡非其私暱誰敢任之

言君自以亡之私欲取死亡之禍則私近之臣所
當任也

舍之得民

置之所以得人心

並同上

執簡以往

古文篆書一簡八字

儀禮聘禮疏

下車七乘

下車遣車也

正義

上公喪餼九牢遣車九乘

禮記檀弓下正義

義

知楚令尹

令尹爲楚建

正義

祝融社司徒致民司馬致節司空致地

祝與司徒等皆是陳人各致其所主於子產

正義

井堙木刊

堙塞刊削也

詩魯頌
水正義

二十有六年

殺子叔及太子角

殺太子角不書舉重者

正義

專祿以周旋

專祿謂以戚叛也既叛衛亦不臣於晉自謂若小

國是爲專祿

同上

先六邑

四井爲邑

史記鄭世家集解

取衛西鄙懿氏六十以與孫氏

六十邑

正義

晉侯賦嘉樂

晉侯自嘉樂愚之甚也

同上

初宋芮司徒生女子

芮司徒宋大夫

太平御覽卷一百四十七

赤而毛

其身色赤而生毛也

恭姬之妾取以入名之曰棄長而美

今注疏本作共據御覽引作恭

恭姬宋伯姬也

平公入夕

視夕也平公恭姬子

恭姬與之食公見棄也而視之尤

尤過也意悅之視之過久

姬納之御

納之平公之御

嬖生佐

公嬖棄而生佐立爲宋元公

惡而婉

婉順也佐貌惡心順

太子痤美而狠

太子貌美而心狠狠戾不從教

合左師畏而惡之

合左師向戍也

並同上

寺人惠牆伊戾為太子內師而無寵

寺人宋閼士惠伊皆發聲實為牆戾名以公寺人

為太子內師長掌內官

同上 正義引惠伊皆發聲實為戾牆二句

秋楚客聘於晉過宋

楚客過使

太平御覽卷一百四十七

太子知之請野饗之

注楚本作享依御覽引

公使往伊戾請從之公曰夫不惡女乎

夫爲太子伊戾無寵於太子故曰夫不惡汝

同上正

二十三年正義引
引夫謂太子也句

對曰小人之事君子也惡之不敢違好之不敢近敬
以待命敢有二心乎

御覽或
作二

縱有供其外莫供其內

御覽共
並作供

言我內師也當爲內師供內使也

太平御覽卷
一百四十七

臣請往也遣之至則欲用牲加書徵之

以書爲之徵驗也書盟書

而騁

騁馳

告公曰太子將爲亂既與楚客盟矣公曰爲我子又何求對曰欲速

速疾也欲疾代公得位故與楚客謀其弑父也

公使視之則信有焉

有盟也

問諸夫人

夫人佐母棄也

與左師則皆曰固聞之

固久也久聞太子欲爲亂

公囚太子太子曰唯佐也能免我召而使請曰日中不來吾知死矣左師聞之

聞太子與佐期日中

聒而與之語

聒謹也欲使佐失期

過期乃縊而死佐爲太子

經書宋公殺其世子痤平公用伊戾之謂聽夫人

左師之言言世子無罪而死故稱宋公殺罪之也

並同上

遂襲我高魚

取魯高魚及反之皆不書蓋諱之

正義

二十有七年

公喪之如稅服終身

衰麻已除日月已過乃聞喪而服是爲稅服服之

輕者

正義

仲尼使舉是禮也以爲多文辭

以其多文辭故特舉而用之後世謂之孔氏聘辭
以孔氏有其辭故傳不復載也

伯風謂趙孟

伯風晉大夫

故不書其族言違命也

叔孫欲尊魯國不爲人私雖以違命見貶其於尊
國之義得之

趙孟爲客

楚君恒以大夫爲賓者大夫卑雖尊之猶違君也

楚先歆爲盟主故尊趙孟爲客

宜其光輔五君以爲盟主也

文公爲戎右襄嬖爲大夫成公爲卿景公爲太傅

也

並同上

牀第之言

簀謂之第

史記禮書集解

請免死之邑

向皮自以止兵民不戰鬪自矜其功故求免死之

賞也

正義

以誣道斃諸侯

釋文云穢服火王崩董
過並作弊正義引作斃

弊婢世反

釋文

斃踏也一曰罷也

正義

二十有八年

陰不堪陽

歲爲陽立枵爲陰歲乘陰進至立枵陰不勝陽故

溫無冰

正義

楚不幾十年未能植諸侯也

此行也楚康王卒至昭四年楚靈王合諸侯于申

距今八年故曰不幾十年是謂十年不克征也

同上

舍不爲墀

正義云墀服
度本作墀

除地爲墀

正義

與慶舍政

舍慶封之子也生傳其職政與子

史記齊世家集解

吳甸餘予之朱方

甸餘餘祭

正義

二十有九年

吳子使札來聘

夷末新即位使來通聘

正義引賈
逵服虔

祇見疏也

正義云服虔本作祇見疎晉宋本皆作多

祇適也

正義

榮成伯賦式微

言君用中國之道微

詩邶風式微正義

不尙取之

不尙尙也尙當取女叔侯殺之

正義

毋寧夫人而焉用老臣

毋寧寧也寧自取夫人將焉用老臣乎

同上

請觀於周樂

周樂管所受四代之樂也

史記吳世家集解

猶未也

未有雅頌之成功

詩序正義

爲之歌邶鄘衛

邶在紂都之西

詩邶鄘衛正義引王肅服虔

地理志云邶以封

紂子武庚鄘管叔尹之衛蔡叔尹之以監殷民謂

之三監

同上引地理志云王肅服虔皆依之爲說

武王崩三監叛周公

誅之盡以其地封弟康叔號曰孟侯遷邶鄘之民

於潞邑故邶鄘衛三國之詩相與爲風

同上引地理志云服

虞依以
爲說

爲之歌王

王室當在雅衰微而列在風國人猶尊之故稱王

猶春秋之王人也

史記吳世家集解 詩王
風譜正義引詩之二句

其周之東乎

平王東遷雒邑

史記吳世
家集解

爲之歌鄭

鄭東鄭古檜國之地

詩鄭風
譜正義

曰美哉其細已甚民不堪也是其先亡乎

春秋左氏傳解詁 卷三

毛鄭傳補校

其風細弱已甚攝于大國之間無遠慮持久之風

故曰民不堪將先亡也

史記英世家集解

泱泱乎大風也哉

泱泱舒緩深遠有大和之意其詩風刺辭約而義微體疏而不切故曰大風

表東海者其大公乎

言爲東海之表式

國未可量也

國之興衰世數長短未可量也

並同上

賦之詩夏聲

秦仲始有車馬禮樂之好侍御之臣戎車回牡田
狩之事共孫襄公列爲秦伯故有蒹葭蒼蒼之歌
終南之詩追錄先人車粼駟鐵小戎之歌與諸夏

同風故曰夏聲

詩秦風
譜正義

自郇以下無譏焉

郇以下及曹風其國小無所刺譏

史記吳世
家集解

爲之歌小雅

白鹿鳴至菁菁者莪道文武修小政定大亂致太

春秋左氏傳解詁卷三

天如如館補校

平樂且有儀是爲正大雅

詩小大雅譜正義

曰美哉思而不貳怨而不言其周德之衰乎

此歎變小雅也其意言思上世之明聖而不貳於當時之王怨當時之政而不有背叛之志也其周

德之衰微乎疑其閔厲之政也

正義

爲之歌大雅

陳文王之德武王之功自文王以下至魯是爲

正大雅

詩小大雅譜正義

爲之歌頌

哀公十一年孔子自衛反魯然後樂正雅頌各得其所距此六十二歲當時雅頌未定而云爲之歌小雅大雅頌者傳家據已定錄之

詩譜序正義

遷而不淫

遷徙也文王徙鄴武王居鄩

史記吳世家集解

見舞象箛南箛者

象文王之樂舞象也箛舞曲名言天下樂削去無

道

詩周頌維清正義

曰美哉猶可憾

憾恨也恨不及已以伐紂而致太平也
而猶有慙德聖人之難也

三十四卷四十
史記吳世
家集解

慙于始伐而無聖佐故曰聖人之難也

勤而不德非禹其誰能修之

禹勤其身以治水土也

見舞韶箠者

有虞氏之樂大韶也

日至矣哉大矣

至帝王之道極於韶也盡善盡美也

若有他樂吾不敢請已

周用六代之樂堯曰咸池黃帝曰雲門魯受四代
下周二等故不舞其二季札知之故曰有他樂吾
不敢請

子連納邑與政

入邑與政職於公不與國家之事

慎之以禮

禮所以經國家利社稷也

聞鐘磬焉

春秋傳解詁

卷三

早知錄補校

孫文子鼓鐘作樂也

辯而不德必加於戮

辯苦鬪辯也夫以辯事不以德居之必加于刑戮也

文子聞之終身不聽琴瑟

聞義而改也琴瑟不聽况鐘鼓乎

晉國其萃於三家乎

注疏本作三族據史記訂

言晉之詐將集於三家

吾子好直必思自免於難

直不能曲撓以從衆

並同上

三十年

穆叔問王子之爲政何如

王子楚令尹王子圍也

正義

吏走問諸朝

吏不知歷數故走問於卿大夫

而廢其與尉

與尉軍尉主發衆使民

烏鳴于堯社

殷宋之祖也故鳴其社伯姬魯女故使魯往悟伯姬也

甲午宋大災宋伯姬卒待姆也

不書大非災火及人伯姬坐而待之耳

並同上

大夫放

釋文放服本作放

放淫也

釋文言大夫淫放正義

三十有一年

立胡女敬歸之子子野

胡歸姓之國也

史記魯世家集解

立於諸之嬖齊歸之子公子初

齊諡也

無則立長

無母弟則立庶子之長

猶有童心

言無成人之志而有童子之心

並同上

以羸諸侯

羸讀爲盈受也

正義引賈服王杜

延州來季子其果立乎

延陵州來邑名季子讓王位升延陵爲大夫食邑

州來傳家通言之

正義

令尹以君矣

今注疏本作似君

言令尹動作以君儀故云以君矣

同上